

humor eibarrés

Kayetano'n Urteerak

Kasino Artistako kantoiko bentanan euan batian, kalerutz begira esan ei zetsen laguneri:

—An joiak nere aintxiñako nobixia.

Entzutiaz bat, abixau ziran lagun guztiok Kaitanon aintxiñako nobixia nor izan zan jakitzeko. Ta an ikusi eben Emilia, bere andria.

—o—

Kaitanok bere ago-miñian erabiltzen zitxuan esaera bi ziran:

Tontuan seniderik urrenengua artua.

Bada gauza bat gutxiago daukanak geixago daukanari emoten detsana: lotsia.

—o—

Marixa ei zan zorren lorratzak aldia guztietan lagatzen zitxuana. Urriñetik ziar baño espazan be, Kaitanon seritxarteko eitxen ei zan, ta sarri juaten ei jakon illetia joaz diru eske al ebanian herriz itultzekotan. Baña aren al izatiak aii urrisak ei ziran eze, ari



emondako diruak paseko usuana eitxen ei eban: juan da geixago etorri ez.

Or bein, beste askotan moduan, nun agertu jakon biarran euan lekura bertara. Ikusi orduko, Kaitanok esan ei eban berekautan: «Emen dator Marixa, itxuraz larrixa onek dauka arpegia. Izango da oiñ be diru egarrixa,

ta Kaitanontzat boltzilluan zulo barrixa: au, gauza agirixa.

—Ai! Kaitano, ointxe estu nago ba.

—Baitxa neu be.

—...ez dakitx zer ikusi biar dodan.

Kaitanok bere buruari: «Nik ba-jakiñat ba zer ikusi biar dodan». Baña gure Kaitano beti bezela errukitsu:

—Zer pasatzen jatsu, ba?

—Ogei duro falta ditzuk. Derrigor biar nitxuke.

—Ara ba. Autziz amar bai, da olan bixok amarna duro galduko ditzuguz.

—o—

Olakuak dira Kaitanon urtera zelebriak. Geriako sakristauak ez eukan arrazoi makala (Gerratian, Eibar-tik aldeta, Gerian egon ei zan) esan zetsanian urtera bategaitzik barre-algarak eiñ ondoren: «Ene! Kaitano, «Kudranuan» eskribitzeko moduko gauzak esaten ditzuzu zuk».

Juan San Martín.



—Debe ser uno de esos matrimonios que llaman modernos.

—Ya no me quieres. Has cambiado la porra por un muslo de diplodocus.